



EB-2012-0137

WIINDAMAAGEWIN E-WII-AANDAGINJIGED WAASIGAN GAA-OZHITOOD

Hydro One Waasa Giiwedinong Dazhiikewinan Inc.

Hydro One Waasa Giiwedinong Dazhiikewinan Inc. (Waasa) gaa-izhinikaadeg o-giibagidinaan mazina'igan e-gagwejimaad Waasigan Ogimaan (Waasigan) ji-bagidinind jigaanji- diba'ige'iwed apii May 1 maajiseg, 2013. September 19, 2012 gii-izhiseg giiachigaade iwe mazina'igan owe e-biminizha'igaadeg Section 78 iwe Waasigan Ogimaag Inaakonigewin 1998 (Inaakonigewin) S.O. 1998, c. 15 (Schedule B). Waasa o-giigiizhitoonaawaa e-gii-bagidinamowaad godag ozhibii'iganan November 12, 2012 giiizhiseg. Iwe dash ozhibii'igan EB-2012-0137 gaa-izhinikaade gii-dagoshinoomagak ozhibii'igewigamigong Waasigan-ing.

Giishpin odaapinigaadeg iwe ozhibii'igan, nawach da-ishpangide waasigan giiwedinong gaa-izhidaawaad ji-diba'amowaad 3.5 daabishkoo niswaabik aabita endaso-ningodwaak daswaabik. Endaso anishinaabe 1,000 kWh minigok gaa-aabajitood waasigan endasogiizis, ningojigo \$3.06 niswaabik ningodwaaso-biiwaabikoons nawach niibiwa dadiba'ige endaso-giizis. Awe dash wiin ningojigo 2,000 kWh endaso-giizis gaa-aabajitood \$6.69 minigok nawach niibiwa da-diba'ige'aaganiwi. Giishpin giiaabi wii-gikendaman aaniin minik deba'igeng, imaa izhi-dookinan www.ontarioenergyboard.ca amii dash geizhi- waabandamaan mayaa gaa-idamowaad.

Aaniin ge-izhi-waabandaman iwe Waasa odoozhibii'igan

Giishpin wii-waabandaman iwe ozhibii'igan gaa-dazhinjigaadeg, amii imaa izhidookinan gaa-gii-igooyin ji-dookinaman, owe dash agindaason ozhibii'an EB-2012-0137 amii dash ge-izhi-mikaman Find an Application ji-izhising. Amii iwe dookinan. Bizaanigo gaye gi-daa-izhaa imaa odoozhibii'igewigamigowaa igi Waasigan Ogimaag gaye Hydro One Networks odoozhibii'igewigamigowa gaa-ozhibii'igaadegin omaa, gaye gi-daa-dookinaan www.HydroOne.com ji-gikendaman aandi ge-izhaayin.

Maawaji'idiwin maagizhaa gaye Ji-michi-ozhibii'igaadeg Mazina'igan

Owe ozhibii'igan bizaanigo da-michi-ozhibii'igaade maagizhaa gaye da-maawaji'idiwag. Wagonen igo.

Aaniin Ge-izhichigeyamban Gegiin Ji-dagwiiyin**Gegoon Wii-ikidoyin**

Giishpin wii-dazhindaman iwe, igi gaa-namadabiwaad imaa Waasigan Ogimaag gebizindamowaad owe gagwedwewin, gidigoo ji-izhinizha'aman gidoozhibii'igan gaawiin awashime 30 nisimidana dasogon ishkwa-ozhibii'igaadeg owe ozhibii'igan maagizhaa gaye ishkwa-miinigooyin owe ozhibii'igan, giishpin miinigooyin ozhibii'igan. anaasaabibii'igaade gidoozhibii'igan, da-ate aaniish imaa giwiinzowin, aandi gaye ge-izhiozhibii'amaagoowamban, gaye gidikidowin, amii dash imaa Hydro One Waasa Dazhiikewinan Inc. gaye gaa-namadabiwaad Waasigan Ogimaag da-miinaawag.

Wii-ganawaabiyin

Giishpin gegoon wii-ikidosiwan giyaabi dash wii-andawendaman ini mazina'iganan gaaozhibii'amowaad igi Waasigan Ogimaag, bizaanigo gi-daa-ikid e-wii-ganawaabiyin. Gidaa- ozhibii'ige gaawiin awashime **10 midaasogon** ishkwa-odisigoyin owe.

Ji-wiindesinog Giin Gaa-dazhimigoyin Ozhibii'amaagewining gaye Gagwedweyin E-wii-ganawaabiyin

Gakina ge-odisigowaad ozhibii'amaagewinan e-andawenjigaadeg e-wii-ganawaabiyin da-achigaadewan awenenigo ji-waabandang, imaa Waasigan Ogimaag odoozhibii'igamigowaang da-atewan awenenigo ji-waabandang, gaye imaa dookiniganing. Jibwaa-atoowaad dash ini ozhibii'iganan, o-da-odaapinaanaawaan gaaozhibii'igaadeg aandi ezhidaad awiya gaye giigidowin agindaason. Giwiinzowin eta gaye gaa-inendaman da-waabanda'iweenaniwan. Amii dash awe Waasigan Ogimaag Ozhibii'igewikwe ozhibii'amaw owe dash agindaason EB-2012-0137 ji-ateg imaa nitam gidoozhibii'iganing.

Giishpin Wii-Ikidoyin Gegoon Iwe Onji

Giishpin gegoon wii-ikidoyin gaa-wii-izhichigenaaniwang (daabishkoo wii-gagwedweyin gegoon, maagizhaa gaye wii-gagwe-nanaginaman iwe gaa-wii-izhichigenaaniwang), bizaanigo gi-daa-gagwedwe iwe ji-izhichigeyin gaawiin awashime 10 midaaso-gon ishkwa-odisigoyin owe ozhibii'igan. Da-waawiinde aaniin ge-izhichigeyamban iwe wiidoodaman giishpin dookinaman iwe www.ontarioenergyboard.ca/participate gidigoo.

Gakina gegoon gaa-miigiwed awe gaa-wii-naginang oweni gaa-izhinizha'ang Waasigan Ogimaakaang daabishkoo owiinzowin gaye aandi ge-izhi-ganoonind gaye ge-izhiozhibii'amawind, da-waabanjigaade. Imaa ozhibii'igewigamigong da-achigaade gaye

imaa dookiniganing. Giishpin ayaasiwan ji-aabajitooyin mamaandaawaabik, omaa izhi-giigidon 1-888-632-2727 andawendaman ji-wiindamaagooyin aaniin ge-izhi-dagwiyyin.

GECHI-INENDAAGWAK

GIISHPIN GEGIIN DAGWIISIWAN OWE IZHICHIGAANIWANG, BIZANIGO
DAIZHICHIGEWAG WAASIGAN OGIMAAG WAA-IZHICHIGEWAAD GAAWIIN
AANIISH GEGOON GIDIKIDOSII, GAAWIIN DASH GAYE GI-GAWIINDAMAAGOOSII
AANIIN ENAKAMIGAK.

Gaa-Namadabiwaad

Waasigan Ogimaag
P.O. Box 2310
27th Floor, 2300 Yonge Street
Toronto ON M4P 1E4
Attention: Board Secretary
Ge-izhi-bagidinigaadegin:
www.pes.ontarioenergyboard.ca/eservice/
E-mail: boardsec@ontarioenergyboard.ca

Gaa-Gagwedwed

Hydro One Waasa Giiwedonong
Dazhiikewinan
8th Floor, South Tower
483 Bay Street
Toronto, ON M5G 2P5
Attention: Mr. Jamie Waller

E-mail: regulatory@HydroOne.com
Giigidowin: 416-345-6482
Aazhawibii'igewin: 416-345-5866

Gaa-Gagwedwed Onadamaagen

Giigidowin: 1-888-632-6273 (gaawiin
memwaach ji-diba'igeyin giigidoyin)
Aazhawibii'igewin: 416-440-7656

Mr. Michael Engelberg
Gaa-wiiji'aad Gichi-Naadamaagen
Hydro One Networks Inc.
15th Floor, North Tower
483 Bay Street
Toronto, ON M5G 2P5
Giigidowin 416-345-6305
Aazhawibii'igewin: 416-345-6972
Email: mengelberg@HydroOne.com

GII-IZHIBII'IGAAGE Jaa nii way wii kii sis nii taa na niizh oway akii too tou whu son mii
ta whu shii nii sin

WAASIGAN OGIMAAG

Nitam owe o-gii-ozhibii'aan owiinzowin

Kirsten Walli
Waasigan Ogimaag Ozhibii'igewikwe